

## 4. gr.

Fyrri málsl. 2. málsgr. 32. gr. laganna hljóði þannig:

Skýrslur þessar skulu komnar í skattstofuna í Reykjavík og til skattanefnda eða skattstjóra í kaupstöðum fyrir lok janúarmánaðar, en í hendur skattanefnda eða skattstjóra annarsstaðar á landinu fyrir lok febrúarmánaðar.

## 5. gr.

Lög þessi öðlast þegar gildi.

Eftir þessu eiga allir hlutaðeigendur sér að hegða.

*Gjört á Amaliuborg, 31. desember 1935.*

Undir Vor konunglega hönd og innsigli.

**Christian R.**

(L. S.)

*Eysteinn Jónsson.*

131

31. des.

## L Ö G

132

31. des.

um viðauka við og breyting á lögum nr. 11 2. júní 1933, um bráðabirgðaverðtoll.

Vér Christian hinn Tíundi, af guðs náð konungur Íslands og Danmerkur, Vinda og Gauta, hertogi í Slésvík, Holtsetalandi, Stórmæri, Þéttmerski, Láenborg og Aldinborg,

*Gjörum kunnugt:* Alþingi hefir fallizt á lög þessi og Vér staðfest þau með samþykki Voru:

## 1. gr.

Innkaupsreikninga yfir eftirtaldar vörur, sem fluttar eru hingað til lands og ekki eru af innlendum uppruna (endursendar íslenskar afurðir) né teljast til farangurs ferðamanna, skal hlutaðeigandi lögreglustjóri, í Reykjavík tollstjóri, stimpla á þann hátt, sem segir í 1. gr. laga nr. 5 3. apríl 1928, með þeim hundraðshlutum af innkaupsverði þeirra, kominna um borð í skip, er flytja á vörurnar hingað til lands, sem hér greinir:

A. Með 100% stimplast reikningar yfir spil (playing cards).

B. Með 50% stimplast reikningar yfir eftirtaldar vörur:

Fatnaður úr silki, nema sokkar. Karlmannafatnaður búinn með silki eða skinni.

132  
31. des.

C. Með 30% stimplast reikningar yfir eftirtaldar vörur:

Albúm. Hanzkar úr skinni og silki. Skinntöskur, skinnveski, skinnbelti. Fatnaður úr skinni, öðru en loðskinni, og húfur allskonar, nema enskar húfur. Gólfklútar.

D. Með 15% stimplast reikningar yfir eftirtaldar vörur:

Botnvörpuhlerar og tilheyrandi. Bracket. Ístöð. Beizlisstengur og beizlismél. Túrbínupípur, túrbínur allt að 100 hestaflla. Jarðstrengjamúffur fyrir rafkabala. Öryggisdósir. Stauraskór. Kolaausur. Strekkitungur. Þverslár á símastaura. Lausasmíðjur. Decimalvogir. Toppplötur á símastaura. Brunahanar. Brunnkarmar í holræsi og vatnsveitur. Hestrekur, Húsalistar, borðskápar og hillur í hús og annað smíði til húsa. Húsagrindur. Húsahlutar, hálf- eða altílbúnir. Blikkdósir, lóðaðar og smelltar. Gerduft. Strigaskór með gúmmísólum. Pappakassar, -öskjur, -hylki, -bakkar og pappírspokar. Pappír innbundinn og heftur, hverskonar áprentuð eyðublöð, áprentuð bréfs efni og umslög. Bréfs efni og umslög í öskjum. Prentaðir merkimiðar. Bundnar bækur, prentaðar eða ljósprentaðar erlendis fyrir isl. útgefendur. Band af isl. bókum, sem eru innbundnar erlendis.

E. Með 10% stimplast reikningar yfir eftirtaldar vörur:

Segl. Óbundnar bækur, sem eru prentaðar eða ljósprentaðar erlendis fyrir isl. útgefendur. Þó er fjármálaráðherra heimilt að undanskilja frá verðtolti fræðirit ljósprentuð erlendis og þær bækur, sem samið hefir verið um ljósprentun á erlendis fyrir árslok 1934.

F. Með 5% stimplast reikningar yfir eftirtaldar vörur:

Málning, oliurifin málning. Kittí. Perriolía. Lakkfernis. Lóðabelgir.

G. Verðtollsrjáls: Hringjur. Beizliskeðjur. Björgunartæki allskonar. Taumlásar. Strigaborðar og strigagjarðir. Harpix. Penslar til málaraiðnar. Lino-leum- og gúmmídúkalím. Flóki. Hnappar. Krókar. Smellur. Spennur. Kóssar. Vagnhjól, kerrur og heyvagnar. Vélar, sem eingöngu eru notaðar til iðju og iðnaðar, og varahlutar til þeirra.

Þar sem verðtollurinn er hærri eftir þessum lögum, er tollurinn eftir eldri verðtollslögum innifalinn í honum, en þar sem verðtollurinn er lægri, er tollurinn eins og segir í þessum lögum.

Verði ágreiningur um flokkunina, fellir fjármálaráðuneytið um það fullnaðarúrskurð.

## 2. gr.

Fjármálaráðherra er heimilt með reglugerð að lækka eða fella niður verðtoll af útlendum vörum samskonar og þeim, sem framleiddar eru innanlands, ef verðlag á innlendu vörunni reynist, við rannsókn, er ráðherra lætur framkvæma á innlendu vörunni, hærra en honum þykir sanngjarnt í samanburði við verð á samskonar vöru innfluttri frá útlöndum, án verðtolls.

## 3. gr.

Ákvæði 1. gr. laga nr. 5 1928, um sýning innkaupsreikninga, og ákvæði 2. gr. sömu laga og gildandi reglugerð um verðtoll gilda einnig um gjald og innheimtu

samkvæmt 1. gr. þessara laga. Svo gilda og ákvæði laga nr. 82 26. apríl 1935 **132**  
um verðtoll, sem ákveðinn er í 1. gr. þessara laga. Ráðherra getur með reglu- 31. des.  
gerð sett nánari reglur um þetta gjald, og má þar ákveða sektir fyrir brot á  
ákvæðum laganna eða reglugerðarinnar.

#### 4. gr.

Ef óeðlilega lágt eða grunsamlegt verð er gefið upp á innfluttri verðtolls-  
skyldri vöru, er tollheimtumanni rétt að ákveða sanngjarnt verð á þeirri vöru  
til verðtollsákvörðunar.

#### 5. gr.

Lög þessi öðlast þegar gildi, og gilda til ársloka 1936.

Eftir þessu eiga allir hlutaðeigendur sér að hegða.

*Gjört á Amaliuborg, 31. desember 1935.*

Undir Vor konunglega hönd og innsigli.

**Christian R.**

(L. S.)

*Eysteinn Jónsson.*

## L Ö G

um viðauka við lög nr. 85 26. apríl 1935, um bráðabirgðabreyting nokkurra laga. **133**  
31. des.

Vér Christian hinn Tiundi, af guðs náð konungur Íslands og Danmerkur,  
Vinda og Gauta, hertogi í Slésvík, Holtsetalandi, Stórmæri, Þéttmerski,  
Láenberg og Aldinborg,

*Gjörum kunnugt:* Alþingi hefir fallizt á lög þessi og Vér staðfest þau  
með samþykki Voru:

#### 1. gr.

1. Á árinu 1936 leggur ríkissjóður ekki fram til Ræktunarsjóðs Íslands þann  
hluta útflutningsgjalds, sem ræðir um í 12. gr. laga nr. 63 28. janúar 1935.
2. Á árinu 1936 greiðir ríkissjóður dýrtíðaruppbót eftir sömu reglum og  
árið 1935.
3. Á árinu 1936 skal aðeins greiða prestum 35 þús. kr. þess embættiskostna-  
aðar, sem ræðir um í 1. gr. laga nr. 36 8. sept. 1931. Skal, að svo miklu  
leyti sem við verður komið, haga úthlutun þessa fjár þannig, að prestar,